

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA
Z E N I C A
Broj: T04 0 KTD 0057159 24
Zenica; 24.02.2026. godine

OPĆINSKI SUD U KAKNJU
-Sudiji za prethodno saslušanje-
KAKANJ

Na osnovu člana 45. stav 2. tačka i), u vezi sa članom 241. stav 1. i 28. stav 1. Zakona o krivičnom postupku F BiH, p o d i ž e m o

O P T U Ž N I C U

Protiv: K. M., ...,

što je:

1. U vremenskom periodu od 12.12.2008. godine, pa do 24.05.2015. godine i u vremenskom periodu od 16.07.2021. godine do 02.02.2024. godine u Kaknju, izbjegavao da daje izdržavanje za svog mlđb. ... (rođen ...), a koji je postao punoljetan dana 09.12.2025. godine, u iznosu od po 170,00 KM mjesečno, a kako je to utvrđeno pravosnažnom presudom Općinskog suda u Visokom broj: ... od 11.06.2009. godine, što ukupno iznosi oko 18.000 KM, iako je bio svjestan i znao da ima obavezu da izdržava svog mlđb. sina koji nije sposoban da se samostalno izdržava i bio svjestan da izbjegava tu obavezu, što je i htio, propustivši da obezbijedi materijalnu sigurnost svog mlđb. sina, jer je u označenom periodu bio u radnom odnosu, u preduzećima „...“ ... u periodu od 01.08.2007. godine do 25.01.2008. godine i u periodu od 17.04.2008. godine do 01.12.2009. godine, u preduzeću „...“ ... od 14.02.2011. godine do 31.08.2012. godine, u preduzeću „...“ ... u periodu od 01.01.2021. godine do 31.01.2022. godine, u preduzeću „...“ ... u periodu od 03.06.2024. godine do 07.03.2025. godine, pa kada nije radio u firmi, radio “na crno” i na taj način ostvarivao prihode, nakon čega je napustio Bosnu i Hercegovinu i zaposlio se u SR Njemačkoj,

dakle, izbjegavao da daje izdržavanje za osobu koju je na osnovu izvršne sudske odluke dužan izdržavati,

2. u vremenskom periodu od 27.02.2023. godine pa do 02.02.2024. godine u Kaknju, izbjegavao da daje izdržavanje za svoju mlđb. kćer ... (rođena ...) u iznosu od po 250,00 KM mjesečno, a kako je to utvrđeno pravosnažnom presudom Općinskog suda u Kaknju broj: ... od 19.12.2023. godine, što ukupno iznosi oko 3.000,00 KM, iako je bio svjestan i znao da ima obavezu da izdržava svoju mlđb. kćer koja nije sposobna da se samostalno izdržava i bio svjestan da izbjegava tu obavezu, što je i htio, propustivši da obezbijedi materijalnu sigurnost svojoj mlđb. kćeri, a u mogućnosti je davati izdržavanje za svoje dijete, jer je u označenom

periodu radio „na crno“ i ostvarivao prihode, pa nakon naznačenog perioda bio u radnom odnosu u preduzeću „...“ ... u periodu od 03.06.2024. godine do 07.03.2025. godine, nakon čega je napustio Bosnu i Hercegovinu i zaposlio se u SR Njemačkoj,

dakle, izbjegavao davanje izdržavanja za osobu koju je na osnovu izvršne sudske odluke dužan izdržavati,

čime je u stjecaju počinio dva krivična djela Izbjegavanje izdržavanja iz člana 223. stav 1. KZ F BiH, u vezi sa članom 54. istog Zakona.